

Nettengd Biblía fyrir börn

kynnir

Jesús stillir storminn




Höfundur: Edward Hughes
Myndskreytingar: Janie Forest
Aðlagð af: Ruth Klassen
Alastair Paterson

Þýðandi: Þráinn Kristjánsson
Framleiðandi: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.

Skilmálar: Þér er heimilt að afrita eða prenta þessa sögu,
en ekki selja.




1

Jesús og
lærisveinar hans
voru saman í báti
á Galíleuvatni
þegar allt í einu
skall á mikið
óveður og öldurót
á vatninu. Í svona
veðri mátti búast
við skipbrotum og
mannskaða.

2

Í ölduganginum fylltist báturinn af vatni og lærisveinarnir urðu hræddir. Á meðan stormurinn æddi yfir, svaf Jesús hinn rólegasti á kotta.

Lærisveinarnir vöktu hann upp og hrópuðu, "Meistari, meistari, við erum að farast!"




3

"Því eruð þið hræddir? Og hvar er trú ykkar?" spurði Jesús. Síðan hastaði Jesús á vindinn ...og ...hann skipaði freyðandi öldunum að lægja.



4

Þá lægði vindinn og gerði stillilogn. Öldugangurinn rénaði og vatnið varð slétt. Lærisveinarnir, alveg undrandi, sögðu, "Hvílíkur er þessi maður? Meira að segja vindurinn og vatnið hlýða honum."




5

Nokkru síðar átti Jesús annan umfangsmikinn dag. Yfir fimm þúsund manns komu úr öllum áttum til að hlýða á hann. Þar tók Jesús nokkur brauð, braut þau, þakkaði Guði og mettaði allan fjöldann. Þvílíkt kraftaverk! Að kvöldi sendi hann alla heim.



6

Tafarlaust knúði Jesús lærisveina sína til að fara í bátinn og halda á undan honum áleiðis yfir Galíleuvatn.



7

Er hann hafði sent fólkið í burtu og farið var að kvöldi, fór Jesús einn síns liðs upp á fjall, til að biðjast fyrir í einrúmi.




8



Úti á vatninu varð bátur lærisveinanna fyrir áföllum, og tafðist róðurinn mikið því vindurinn var á móti þeim. Nú var eitthvað furðulegt um það bil að ske sem mundi koma þeim algerlega á óvart.

9




Einhvern tíma milli 3 og 6 um morguninn, sáu lærisveinarnir að einhver kom gangandi til þeirra á vatninu og æptu, yfir sig hræddir, "Þetta er vofa!" Þá sáu þeir að þetta var enginn annar en sjálfur meistari þeirra, Jesús, sem kom gangandi til þeirra á vatninu.

10

"Verið hughraustir! það er ég." Kallaði Jesús. "Verið óhræddir." Pétur svaraði honum, "Ef það ert þú, Drottinn, þá segðu mér að koma til þín á vatninu." Jesús svaraði, "Komdu." Þá sté Pétur úr bátinum og gekk í áttina til Jesú.



11



En er hann sá óveðrið varð Pétur hræddur og tók að sökkva. Þá kallaði hann, "Drottinn, bjargaðu mér!"

12

Jesús rétti þegar út höndina, tók í hann og sagði, "Þú trúlitli maður, því efaðist þú?" Og þegar Pétur og Jesús stigu inni bátinn þá lægði vindinn.



13



En þeir sem í bátinum voru féllu fram fyrir honum og sögðu, "Sannarlega ert þú sonur Guðs."

14

Jesús stillir storminn


Sögu þessa úr heilagri ritningu, biblíunni,

er að finna í

Matteusi 8 og 14, Markúsi 4, Lúkasi 8

"Þegar orð þín ljúkast upp, ljóma þau."
Sálmarnir 119:130

15



48



60

16

Þessi biblíusaga er um okkar dýrlega Guð, sem skapaði okkur, og sem vill að þú þekkir hann.

Guð veit að við höfum öll gert rangt, sem hann kallar synd. Hegning syndarinnar er dauði, en Guð elskar þig svo mikið, að hann sendi sinn eina son, Jesú, til að deyja á krossi í hegningarskini fyrir syndir þínar. Svo vaknaði Jesús aftur til lífs, og fór heim til himnaríkis. Ef þú trúir á Jesú, og biður hann að fyrirgefa þér syndir þínar, þá fyrirgefur hann þér tafarlaust, og kemur til að lifa í þér, og þú með honum til eilífðar.

Ef þú trúir þessu, segðu þá eftirfarandi til Guðs:
Kæri Jesús, ég trúi að þú sért Guð, sem komst í líki manns til að deyja fyrir syndir mínar, og komst svo aftur til lífs. Ég bið þig að koma nú inni líf mitt og fyrirgefa mér syndir mínar, svo ég geti byrjað nýtt líf, og komið svo til að vera með þér í himnaríki. Hjálpaðu mér að hlýðnast þér, og lifa fyrir þig sem barn Guðs. Amen

Lestu biblíuna og talaðu við Guð á hverjum degi!

17